



Jens NapātōK'
Inatsisartunut ilaasortaq, Naleraq

**Kullorsuaq palaseqarfittut– § 37 naapertorlugu apeqqu tip nr. 040/2024-p
akineqarnera**

Asasara Jens NapātōK',

Inatsisartut suleriaasiat naapertorlugu apeqqu tinnut qujanaq. Apeqqu tigineqartut
tullinguuttuni akissuteqarfigissavakka.

***Apeqqut 1: Kullorsuaq palaseqarfinngorlugu palaseqalerpat pisortanut
aningaasartuutitigut qanoq sunniuteqassava?***

Akissut:

Apeqqu tip akissuteqarfiginissaanut atugassanik akissummut ilanngussassanik
Biskoppeqarfimmit pissarsiniartoqarsimavoq.

Biskoppeqarfiup ilisimatitsissutigaa, Kullorsuaq palaseqarfinngussappat nammineq
palaseqarluni ukiumut 1,5 mio. kr.-nit missaanni akeqassasoq.

Aningaasat taakkua palasip, ajoqip pattattullu akissarsiaat (ukiumut ataatsimut inuup
suliner), palasip inissaanik allaffitalimmik INI A/S aqutigalugu inissiamik attartorneq,
inissiamut innaallagissamut kiassarnermullu aningaasartuutit, eqqaaviit
anartarfilerinerlu, oqaluffimmut innaallagissamut kiassarnermullu aningaasartuutit,
ukiumut pingasoriarluni nunaqarfinnut angalaneq, eqqiaaneq pedel-ilu (ukiumut
ataatsimut inuup suliner), allaffissorneq, kiisalu allattaavissuarnik akissaatinullu
allattaavinnut suliaqarnermut atatillugu aningaasartuutit matussusissavaat.

Atorfiit nutaat pilersinnerinut atatillugu tassunga aningaasartuutit
naatsorsuutigineqassapput, soorlu atorfimmut inuttassasiuinermit, angalanermit
pisattallu assartornerat pissutsillu allat, nalinginnaasumik provsteqarfimmut
Biskoppeqarfimmut atorfinitsitsinermut atatillugu attuumassuteqartut. Aningaasartuut
taanna naliliinermit ilanngunneqanngilaq.

***Apeqqut 2: Kullorsuaq palaseqarfinngorlugu palasip illua allaffissaalu pisortat
ingerlatsineranut qanoq sunniuteqassava?***

Akissut:

Ilageeqarneq pillugu Inatsisartut inatsisaat nr. 9. 19 maj 2010-meersumi § 5, imm. 1
naapertorlugu aalajangersarneqarpoq, Kalaallit Nunaat palaseqarfinnut amerlassusaat
angissusissaallu Naalakkersuisunit aalajangersarneqartunut aggorneqassaaq. Aamma

23-02-2024
Sulap normua.: 2024 - 1595
All. nr. 23904001

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

aalajangersagaq una Palaseqarfiit agguataarneri pillugit Namminersorlutik Oqartussat nalunaarutaat nr. 2, 28. januar 2011-meersumi atortussanngortinneqarpoq. Nalunaarummi § 1, imm. 1-mi aalajangersarneqarpoq, illoqarfiit ataasiakkaarlutik nunaqarfii ilanngullugit tassaapput palaseqarfiit. Ilageeqarnek pillugu Inatsisartut inatsisaanni § 5, imm. 2-mi palaseqarfiit tamarmik palasimit oqaluffiup atuagaanik allattuisartuusumit aqunneqassasut aalajangersarneqarpoq. Aamma palaseqarfimmi palasi ataasiinnaatillugu taassuma atuagarsuarnut allattuineq isumagissavaa, tak. § 15, imm. 2.

Kullorsuaq nunaqarfiuvoq Upernaviullu palaseqarfianut atalluni. Nunaqarfiit nammineq palaseqarfittaarsinnaaneritut periarfissaq ammaanqassappat, nalunaarutip matuma allanngortinneqarnissaa pisariaqassaaq. Tamatuma saniatigut nalinginnaasumik nunaqarfiit qanoq palaseqarfittut pilersinneqarsinnaaneritut siullermik tunngaviusumik aalajangiisoqartariaqarpoq.

Ilageeqarnek pillugu Inatsisartut inatsisaat nr. 9. 19 maj 2010-meersumi § 10 naapertorlugu, palasit kiffartortut ukiut allortarlugit Biskoppip palasit ataatsimiinnissaannut aggersartarpai, palasit kiffartortut ataatsimiigiartussaataapput. Palasinut atorfiit akuerisaasut amerlineqassappata, tamanna aamma aningaasaqarnikkut kinguneqassaaq.


§ 8 naapertorlugu Biskoppi sulinermini provstinit pingasunit ikiorneqassaaq: ataaseq Avannaanut, ataaseq Kujataanut aamma ataaseq Qeqqanut Tunumullu. Palaseqarfinni atuagarsuarnik ilaatigut provsti nakkutilliisuvoq. Provsti ukiut allortarlugit palaseqarfinnut nakkutilliilluni angalaartartoq, biskoppeqarfiup ilisimatitsissutigaa, palaseqarfiullu nutaap soorunami nakkutilliinermut atatillugu provsteqarfiup aningaasaqarnera aamma sunniivigissavaa.

Palasimut inissiamut tunngatillugu aamma ima pisoqartillugu, palasimut nunaqarfimmi INI A/S aqutugalugu inissiamik attartugassamik allaffitalimmik periarfissaqanngippat, palasimut inissiamik allaffitalimmik atorissaarutilimmik sananermut saniatigut aningaasanik pisariaqartitsisoqassaaq.

Kullorsuaq palaseqarfittaassappat, soorunami tamatuma ilagiit sinniisaannut qinersisarnek pillugu malittarisassat sunniivigissavai.

Palaseqarfimmik nutaamik pilersitsinermi allaffissornikkut aningaasaqarnikkullu kingunerisassaanik allanik allattuineq apeqqutip 1-p akinerani naliliinermi ilanngunneqanngilaq.

Inussiarnersumik inuulluaqqusillunga



Aqqaluq B. Egede